

Date – 19/03/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Mizoram Lok Sabha inthlan lo awm tur atana inbuatsaihna ngawrh taka kalpui a ni.
2. Lokayukta Chairperson thar atan Pu Lalmalsawma ruat a ni.
3. Lok Sabha inthlanpui lo awm turah Bihar-a BJP leh an thawhpui ten candidate an tifel tawh tih an sawi.



LOK SABHA ELECTION PREPARATION

Mizoram Lok Sabha inthlan lo awm tur atana inbuatsaihna ngawrh taka kalpui a ni.

Aizawl Bawrsap Pi Nazuk Kumar chuan nimin khan Aizawl DC Conference Hall-a chanchinbu mite a kawmnaah Mizoram Lok Sabha intlanah hian a vawi khat nan pianphunga rualbanlo (PwD) hlangin an vil polling station pakhat siam tum a ni a ti a, hei bakah hian hmeichhe hlangin an vil polling station a awm leh dawn a, Aizawl district-a assembly bial tinah pali zel dah a ni ang, a vaiin 48 awm tura ruahman a ni a ti.

Rualbanlo leh kum 85 chin chung lam ten anmahni chenna In a vote an thlak theihna turin ruahmanna siam a ni leh bawk a. District Election Officer Pi Nazuk Kumar chuan MLA inthlanah vote a tla tha thin tih sawiin, Lok Sabha inthlanah erawh India ram pum thlirin Mizoramah vote a tla tha tawk lo thin chu paw a ti a, kuminah hian vote thla tha se a duh thu a sawi bawk.

Inthlanna a mawhphurhna nei tur team hrang hrangte training chu pek zawh thawkhat a ni tawh a. Polling party te training thawkhkhatna hi March ni 26 leh ni 27 hian neih tum a ni a, Master Trainers 24 ten training an pe dawn a. Inthlanna atana hman tur khawlte hi endik zawh tawh niin District Strong Room-ah dah mek an ni a.

Election-a candidate-te sum hman dan ngun taka vil turin Assistant Expenditure Observers, Flying Squads (FS), Static Surveillance Teams (SST), Video Surveillance Teams (VST), Video Viewing Teams (VVT), Accounting Teams, Media Certification & Monitoring Committee te dah an ni a, heng bakah enforcement agencies hrang hrang ten inthlanna muanawm leh felfai tak neih anih theih nan an vil dawn bawk a ni.

Puan tawh angin Mizoram Lok Sabha inthlan vote thlak ni atan April ni 19 ruat a ni a, inthlan hriattirna hi naktip ni 20 ah tihchhuah a ni anga, inthlan chuh tumte tan ni 27 thleng hun hawn a ni a, ni 28 ah chuh tumte hming endik a ni anga, ni 30 hma in inhnukdawk duhte tan hun hawn a ni.

Vote tla hi ramchhung hmun dang rualin June ni 4 ah chhiar a ni ang.

(Corr/Desk)



PC PARTY MP CANDIDATE

April ni 19 –a Lok Sabha inthlan neih turah People's Conference party (PC Party) Candidate atan Pi Rita Malsawmi, Aizawl Laipuitlang a cheng mek ruat a nih thu an party President Pu Vanlalruatan nimin khan a puang.

Kolasib District MJA Press Club-ah PC Party General Hqrs President Pu Vanlalruata chuan an party Candidate hi puangin, thlan tlin anih theih nan theihtawp chhuah an tum thu a sawi a, an Candidate chu thlan tlin anih chuan party bik tan nilo; mipuite huapzo tur leh mipuite duh khawpa hnathawk thei tur anih thu a sawi. MP atan thlan tlin anih chuan mipuiten awlsam taka an dawr theih nan Aizawl-ah office hawn an tum thu sawi in, an Candidate chu vote theuh turin Mizoram mipuite a sawm ani.

Pu Vanlalruata chuan, kum thar 2025 ah an party chuan an kum 50-na lawm an tum thu sawi in, state Assembly inthlan hnukung berah Candidate an neih loh chhan chu an party in insawhngheh an duh vang anih thu leh tunah chuan an party office luah man an dawn thin atangin an in sawhngheh deuh tawh thu a sawi bawk.

PC Party MP Candidate atana puan tak Pi Rita Malsawmi chuan thusawi in, thlan tlin anih chuan Mizoram sorkar chu dik taka hna a thawh theih nan thawhpui a tum thu a sawi a, sorkar laipui in Uniform Civil Code (UCC) kalpui a tum te, Myanmar nena ramri hung a tum leh Free Movement Regime (FMR) thiah a tum te chu na taka dodal a tum thu a sawi a, PC party Founder Brig. T. Sailo (L) sulhnu chhui in Bairabi Hydrel Project hmalakna chhonzawm leh District hrang hrangah Industry lian tham din anih theih nana hmalak a tum thu a sawi.



LOK AYUKTA CHAIRPERSON

Lokayukta Chairperson thar atan Pu Lalmalsawma chu nimin khan Larsap Dr. Haribabu Kambhampati an rinawmna thu tiamtirin a lalut.

Lakluh inkhawm hi Raj Bhawan Durbar Hall-ah nimin tlai khan neih a ni a, Mizoram Sawrkarin Chairperson Lokayukta atana a ruatna lehkha chu Chief Secretary Dr. Renu Sharma in a chhiar chhuah hnuin, Larsap chuan rinawmna thu tiamtirin Pu Lalmalsawma chu a la lut a ni.

Lakluh inkhawmah hian Chief Minister Pu Lalduhoma, Speaker Pu Lalbiakzama bakah Minister leh sawrkar hotu pawimawh te an tel bawk a ni.

Pu Lalmalsawma hi March 1st 1958 -ah Gaya khua, Bihar-ah a piang a. August ,1983 khan Indian Administrative Service (IAS)-ah inziak tlingin AGMUT cadre a zawm a. Sawrkar laipuiiah leh Delhi, Goa leh Mizoram sawrkara department hrang hrangah hna pawimawh tak tak a chelh thin a; Mizoram Chief Electoral Officer mawh phurhna kum 8 chuang a chelh tawh a ni.

Pu Lalmalsawma hian Mizoram Chief Secretary hna kum 2014 atanga 2018 thlang a thawk a, hemi hnu hian sorkar hna atangin a pension a ni

(CORR)



FISHERIES DEPT

Fisheries Department leh ICAR-CIFE, Kolkata Centre te tang kawp chuan ni thum awh tur sangha khawi dan inzirtirna 'Modern Methods of Freshwater Aquaculture' tih thupui a hmangin training an buatsaih.

He training ah hian Principal Scientist Dr. Parimal leh Technical Officer Pu. PK Behera, ICAR-CIFT Kolkata Centre ten kalkhawm techu Sangha khawi dan an zirtir a. Principal Scientist Dr. Parimal chuan Mizoram State in sangha tam leh zual an tharchhuah theih nana Sangha khawi dan zirtirna rawn pe tura Mizorama rawn kal an nih thu a sawi bawk.

He training hawnna ah hian Director Fisheries Department Pi Lalteipuii chuan Training an neih theih zen zen loh thu leh tun huna training- Sangha khawi tute tan an rawn nei thei chu lawmawm a ti in, Sangha khawi tute tan intuaitarna hun tha tak an rawn buatsaih theih avangin lawmthu a sawi bawk. Trainer kal khawm zawng zawng ten thahnemngai taka mithiam lo kalte zirtir na pek ngaithla turin kalkhawm te a chah bawk.

(CORR)

<><><>

CBC OUTREACH PROG

Aizawla Central Bureau of Communication, Field Office bultumin nimin khan National Institute of Technology (NIT) ah vote thlak tura inzirtirna, Systematic Voters' Education and Electoral Participation (SVEEP) programme hman a ni.

Associate Professor & Convener, Electoral Literacy Club, Govt. Aizawl North College Dr.C. Lalhmanmawia chuan kalkhawmte zirtirin India ram chu khawvelah Democracy ram lian ber leh inthlang ram a ni a ti a. Vote nei te chuan vote thlak ngaipawimawh tur in leh vote la nei turte pawhin vote thlak hi kan tih mak mawh a ni ati. State Assembly leh Lok Sabha inthlan chauh nilo Village Council, Local Council leh Panchayat inthlan ah te pawh vote thlak zel turin kalkhawm te a fuih bawk. Vote la nei lo tan a voter ID online kaltlang a siam dan leh EVM hman dan te Powerpoint hmanga in hrilhfiarna hun hman a ni.

He hun ah hian Quiz Competition neih niin Lawmman sem nghal a ni a. Daw-Re-Me Drama & Cultural Club, Bawngkawn ten Sarlamkai kalkhawm te hnen ah an entir.

(CORR)

<><><>

LADC

Lai Autonomous District Council, Caretaker, Lawngtlai Bawrhsap Pu Cheemala Siva Gopal Reddy chuan Lai Autonomous District Council hnuai Department hotute meeting nimin khan a neihpui.

DC chuan LADC Officer-te nen thawhona tha tak neih a duh thu sawiin, thawhhona thatak hnuai hmalakna te chuan mipui hnen a thlen a tul a ni a ti a, Lok Sabha inthlanpui hmachhawn mekah pawh theihtawp chhuah a tanlakho tul a tih thu a sawi.

Hna thataka an thawh chuan Lawngtlai District hming a tha anga, mipuiin a zar an zo dawn a ni a ti a, District chung tan chauh nilo, hmundang atang pawha tlawh chakawm khawpin Lawngtlai District dinhmun chu siam tul a tih thu LADC Caretaker chuan a sawi bawk.

State Sorkar leh LADC Sorkar chuan thawhdunna thatak a neihzuiz el a beisei tih sawiin, LADC ah Executive Committee awm loh avanga harsatna leh File

pending an neihte a sawi pui a, a theih chin chin chinfel pui a tum thu a sawiin, harsatna leh hriatthiam loh emaw, rawtna in neih pawhin engtik lai pawhin dawnsawn leh chinfel a inhuam thu a sawi bawk.

(Lalnggheta Ralte Lawngtlai PTC)

<><><>

NGOPA

Ngopa Forest Range huam chhunga mi kuthlei ten ramsa an tihhlum sarep Champhai a Conservator of Forest office complex ah Champhai District honorary wildlife warden Pu Lalhlupua'n nimin tlai khan a halral.

He huna halral takte hi Zawng sa rep kg.2, C.Rosangi, Mimbung hnen a mi, niin Sazuk sa rep kg.26 leh a chanve te an ni a. Sazuk sa neitu mi 4 (pali), Lalngilneia, Zohmingthanga leh Hmangaihzama, Rabung khua vek te leh Lalpianmawia Pamchung khua te an ni a, heng mite hi Court a hruai an nih hnuah Champhai District Jail-ah khung an lo ni tawh a ni.

(Lalhlupua Champhai PTC)

<><><>

BIHAR MP ELECTION :

Lok Sabha inthlanpui lo awm turah Bihar-a BJP leh an sangawi zawnpui te chuan candidate tur an tihfel tawh thu an puang.

BJP General Secretary Vinod Tawde-an thuchhuah a siam a a tarlan danin, kumin Lok Sabha inthlanpui lo awm tur atan Bihar-a MP Seat 40 awmah, BJP chuan NDA hnuai a an sa ngawi zawnpui-te nen in candidate tur an ti fel tawh ni in a tarlang a, hetah hian seat 40-a seat 17-ah BJP mi leh sa an in candidate tur thu leh seat 16 chu JD(U) candidate te puala an dah thu tarlan a ni a. Lok Jhanshakti Party (Ramvilas)-te pawhin NDA hnuai hian Seat 5-ah candidate an neih tur thu tarlan a ni bawk.

(NewsOnAir)

<><><>